



partii naleraq

UPA 2016/48

Per Rosing-Petersen

Inatsisartut ukiakkut 2017-imi ataatsimiinneranni Naalakkersuisut, aallarnisaasunut suliffeqanillu ingerlatsisunut, aningaaserivitsigut aqquutit nalignnaasut atorlugit attartorsinnaanngitsunut, annikittunik taarsigassarsisitsinermik ukiuni sisamani misiliinissaq anguniarlugu, Inatsisissamik saqqummiussinisamik peqquneqarnissaannik aalajangiiffigisassatut siunnersuut. Misiliinerup nalaani Aningaasanut Inatsimmi ukiut tamaasa siunertamut 500.000 kr.-nik immikkoortitsisoqartassaaq. Taarsigassarsiat killilimmik annertussuseqartassapput soorlu 20.000 kr.-iniit 100.000 kr.-inut. Inatsisissatut siunnersuummi ernialersukkanik taarseraanissamik periusissaq ilanngunneqassaaq, pisortat annaasaqarsinnaanerat killilersimaarusullugu. Tamatuma saniatigut Inatsisissatut siunnersuut misileraanerup naanerani nalilersuinissamik piumasaqaammik ilaqassaaq.

(Inatsisartunut ilaasortaq, Naaja H. Nathanielsen, Attaviitsoq)

Inuussutissarsionermi siuarsaanermi ”putoq” ugguuna siunnersuutikkut matuniaanermik siunertalimmik siunnersuuteqartoq Naaja H. Nathanielsen Attaviitsoq, Partii Naleqqamiit qujaffigerusupparput, imatullu oqaaseqarfiallugu.

Inuussutissarsiutini suungaluartumiluunniit inerisaanermi pingaarutilerujussuuvoq tigussaasumik inuiaqatigiinnut iluaqutaasumik ingerlatsisoqarnissaa, tassungalu aallarnisaaniartunut mikinerusunut aallarnisaaniartunullu ataasiakkaanut, una siunnersuut iluaqutaasussaq ersarissupilussuuvoq, tamaattumillu aamma tapersersornarluni. Nunami sumiluunniit taarsigassarsiat annikitsut (micro loan) nalignnaasorjuupput, aammalu nunatsinni taamaattaqariarluni, taamaattumik siunnersuuteqartup tunngavilersuutai aamma paasilluarlugit uagut tungitsinnit taperserparput. Ilumoorpoq aningaaserivinni aningaasanik aallarnisaaniarnermi atorniarnissaq imaannaanngitsorjuuvoq, ilaatigut aningasaliissutit %-ngorlugu aalajangersimasumik nammineq peqarnissaq piumasaqaataasarluni, tassuunalu inerisaaniartuaqqanut amerlasuutigut isumassatsialammik peqaraluarlutik aammalu ineriartornissaanik tunngavissaqarluarlutik uppersarsinnaangaluarlugu aningaasat aporfingukkajuttartorjuupput. Tassami inerisaaniat piumassuseqarluinnartarput, ilaatigullu siunnersorneqarnissamik imaluunniit allatigut pisariaqartitsivallaaratik, aningaasakilliornerlu aporfiunerpaanngortarluni, tassanilu una siunnersuut, nutaanik periarfissiisoq takusinnaavarput. Tassani aamma inoqarfinni mikinerusuni nunaqarfinnilu aallartisaaniartut aamma periarfissagissaarnerulissallutik. Aningaasartassaaluunniit ikiingajassinnaasutut nalilernarput, aporfiutikkusunnagilli.

Greenland Business, Greenland Venture aammalu Visit Greenland periarfissaat amigarpata tamanna aporfiussanngilluinnarpoq, unali periarfissagissaarnerulernermik isigineqartariaqarpoq, taamatullu uagut aamma nalilerparput.

Taamaattumik siunnersuuteqartoq isumaqatigalugu tamakkiisumik taperserparput inuussutissarsionermullu ataatsimiititaliamut aappassaaneerpeqannginnermini ingerlateqqillugu.

Qujanaq